

潮州府志序

潮州府志郡刺史吳繭雪先生所手訂也郡舊有志廼草創之初規制未備事多闕略文亦簡率又自嘉靖迄今經百餘年時移歲改風會遷移天道經幾變更人事互有消長山谷川陵未易更僕數守令之蒞是邦者欲徵往事則苦於殘闕欲問今事則病無典籍此亦吾潮一大缺陷事也先生以閎博之才淹貫之學超異之識自比部郎出守潮留心於士習民風事必稽古人惟求舊而首以府志未脩為憾遂博徵群書採訪輿議手口拮据夜分不寐輟簿書之冗而揣意校讐乘兵燹之餘而殫精論討竭三年之心力而是書告成淳取而讀之綱舉目張秩然有序援經証史斐然成章詳而不蔓約而能該而尤加意於吏治人才獎廉懲貪黜浮崇雅要皆有裨世教可垂久遠不徒絺章會句爭奇于風雲月露之詞以誇耀世人之耳目昔人謂文章無關世道竟可不作先生此書真有用之鴻文不

潮州府志

李序一

朽之盛事也淳謂志書自昔有之各郡皆然而是書有三異焉漢司馬遷史氏宗匠至今人人膾炙而論者謂其先黃老退處士而主貧賤是非頗謬于聖人學不足耳先生此書法宗先正語本聖經事事本于典謨言言歸於忠孝可以訂前史之謬垂後學之範此一異也班固繼龍門而成漢書稱為漢代史才而論者謂史遷櫟括數千年典故事煩而文簡班固止撰漢十二主二百三十年紀實事簡而文煩才不足耳先生此書事提其要言鉤其玄一邑僅載數人而一邑之風氣已昭一人僅載數事而一人之梗概已見他人千萬言而不了者先生能以數言了之此一異也宋司馬光作通鑑編年紀事臚列甚詳然帝魏寇蜀大義未明朱紫陽作綱目以訂正其謬識不足耳先生此書辨昌黎大顛來往書札之疑似而儒釋之真偽明台祠賢守八人理學十四人而吏治道學之標表立繼前賢於既往開後學於將來此一異也抑尤有異者從來作志者

有褒揚而無譏刺雖曰善善長而惡惡短其意主於忠厚而於懲勸之義蓋闕如也先生此書特立貪酷吏一傳附於簡末直指其事明斥其人斧鉞凜然日霜同烈將來讀其書而貪者悚酷者畏頑夫廉懦夫立薄夫敦鄙夫寬猶呼聾者而使醒剔瞶者而使明吏治民生實嘉賴之是大有功於名教也子不云乎詩三百一言以蔽之曰思無邪解之者曰凡詩之言善者可以感發人之善心惡者可以懲創人之逸志史與詩異致而同功要歸於使人得其性情之正先生蓋倣此意以成書夫亦猶行古之道也淳前脩程鄉邑志揭提綱總論十則弁於其首實為吏治民生發憤而作但陰寓其意而不敢明揭其人居邦不非誼如是也先生此傳直發前人所未發正直忠厚蓋兼而有之然惟先生能言之亦惟先生宜言之昔人謂言一也出于其母之口則不失為賢母出于其婦之口則未免為妬婦先生為一郡之父母言一郡之吏治其言出於正直其意

潮州府志

李序二

寔本於忠厚仁人之言其利溥言之關係如是此則先生今日修志意也

嶺海逸史郡人李士淳謹撰

賈少尚書出貢讀其文不及數千舉凡名山大川田賦則壤以至條蕩箇輅淮嶼海錯之微無不備而記功受命之詞在其中今天下郡縣不過九州中之一壤耳一郡縣之誌為言不下數十萬乃絃略者大半則何也古今不相及固如是哉每與同年繭雪吳先生言之未嘗不以為然既寬受命司理潮州到官索誌已靡漫不可讀要其存者不能無絃略也意欲以其餘力增訂之自愧無文而止越二年而先生亦以刑部郎出守潮則日慙慙之先生果集諸儒生錄所見聞以獻為削牘焉潮州僻在海隅唐宋之皆以處遷謫者故不列繁望中然而負山面海北界汀贛東聯泉漳五嶺之間亦一都會也今盛朝令甲不遺遺尚安可忽其地而不之間耶誌者史之一家也其大者在山川之險夷而名勝則末焉賦稅之厚薄而物產則末焉風俗之淳漓而好尚則末焉今之誌徒記臺榭之足以

潮州府志

賀序一

遊觀花鳥之足以怡悅晴言異服之足以駭聽聞而已顧何所取重況今日之潮客邇閩海潢池弄兵寔逼處此天子顧念東南簡徒命卒樓船下灘節制海內外悉索散賦不足以當所入而潮之地固古揚州之域也其人輕浮不純禮義雖屢經兵燹而猶狃故習由是以觀山川之險可知賦稅之薄可知風俗之漓可知吏茲土者既不能家至戶說又不卒成一家言就正於縉紳先生俾以教于細民令其習同仇以固圉勤耕織以裕國敦仁讓以勵行是豈為民上者哉先生之誌大旨不外乎此而于吏治之貪廉尤兢兢焉蓋民子弟也長吏父兄也所治之郡縣長吏之家也荆川先生有云吾壤則賦額民數不記而獨詳于仙佛精廬臺榭興廢達官貴人之墟墓詞人流連光景之作猶乎記家之籍重圖畫狗馬玩具而廢租覩錢貫也甚且有刻取諸民以自肥則是割其股以啗腹矣又安可與不事其家者比耶先生以家事視民事故急為此誌而獨

嚴於吏治誌既成凡若干卷問序于寬寬以在疚辭先生
曰予之誌予之志也寬不敢違今寬既以憂廢而先生旦
夕政成且將奏最爲大臣其去潮也日近倘使潮之民讀
是誌而廊然自改以合寬前數者之言則先生與寬若以
父兄而聞子弟之遷善其喜可知也至先生之文雖不敢
比儼禹貢而于河渠山海水經諸書無多讓焉從此而往
海波不興鯨鯢屏絕鑄鼎象物以貢於朝先生又將執簡
而續江漢紀功之章矣
順治庚子十二月望後一日潮州府理刑推官今陞大理
寺評事賀寬謹撰

發凡

潮州之有志舊矣一為弘治志係郡丞車份所脩志已不存僅散見於各邑志中一為嘉靖志係太守郭春震所脩成於嘉靖丁未距今辛丑閱年一百一十又五其間天時地理人事之變更殆有書之不勝書者而二志事從簡文從樸皆不失古史之義乃時經百禩傳聞異辭凡所增損輒遵時制固有異同銓除禮樂錢穀兵刑新故之交登載悉備故視舊志為加詳焉

蓋自易代以後兵燹所及城廓變丘墟圖史變烟雲懷感實深然有所纂述槩多諱言繙閱舊編即如文文山以及陸張諸公戰績忠義日星固自不容晦昧似亦需之久而論定未能遽為記載也功令所在夫誰得而干之今壹遵令甲不敢踰越除授科目其非崇禎朝者俱不登八蓋凜奉聖諭所固然矣

潮州府志一

發凡一

一事一時而千萬世之是非以之言出於一地一人而天下之勸懲以之乃家乘所傳墓文所載其近於諛者未足懲也故編中詮次諸篇於郡邑有司褒刺互見而鄉人之賢者則存其可法可傳而不及其他亦猶行古之道也論從其獨道歸於同予不敏何多讓焉

於稽東粵潮亦人士之淵藪也其有碩德豐功卓犖名世固赫赫在聽睹間將與川嶽同永至於一行之士巖穴闕深不二之婦苦節永矢原未嘗亟亟求名而其名亦在顯晦之間況又瀕海之區寇賊竊發抄略幾徧原野其抱影寒濤甘以身殉如薛明經所記載蓋數數然矣誰實司風厲之權而聽其草木偕腐於是力為表章靡隱弗著非敢擬於片言華衮而緇衣有懷鄉士大夫與匹夫婦無二視也斯又微尚之所存歟

穎閣潮州舊志頗多闕略之憾而涉江踰嶺所攜書卷無多又兵火以後藏書之家亦寡則固陋少文穎不獨任其

咎矣間或靜夜繹思舊所記憶未甚遺忘又或聞有收藏即斷簡殘帙輒往借覽以故文增於昔者十之五六毋謂

技節繁多文過其實以致貽譏浮華也

郡邑皆有志郡中車志既不得見郭志復多漫滅嗣得郭青螺先生潮中雜記一書時去郭漸齋先生未遠故爲補所不備以供異日采擇其文爾雅可存而所輯書目碑目按籍以求百不得一良足浩歎至各邑則海陽附郭首縣載府志中未有刻本潮陽縣志成於林井丹先生秩秩有體近吳光卿先生續之尙未付梓予獲見其副本雖多因林舊而事則增於昔矣揭陽縣志成於郭菽子先生在崇禎辛未年程鄉縣志成於李二河先生在順治辛卯年饒平縣志成於崇禎庚辰年惠來縣志成於萬曆己酉年大埔縣志成於崇禎丙子年平遠縣志成於崇禎壬午年普寧縣志成於萬曆庚戌年澄海縣志成於萬曆丙申年鎮平縣志成於崇禎己卯年各縣皆已繳到幸獲縱觀唯饒

潮州府志

發凡二

平縣志中多採東里志語此書出鄉先生陳石岡手著詞旨蒼涼頗多感動惜乎未得其全帙而讀之予因以購求鄉先生遺集於其子孫於其生徒如李詹丞齡蕭太史與成其子端蒙翁襄敏萬達林督學大春吳郡丞仕訓林太史大欽林忠宣熙春唐吏部伯元郭明府廷序薛大行侃及從子都諫宗鎧諸先生集幾與斷碑缺版同其磨沒而披陳之餘收拾不盡此又前賢名實所闕安知非昌黎之遺澤所未泯泯者歟予故合爲古今文章一編以志仰止其非有闕郡邑者不載也

漂上吳穎識於菜根堂

附批詳

潮州府為纂修府志事竊查潮州府志自明嘉靖丁未年知府郭春震修輯以來距今庚子凡一百十有四年矣一百十四年中就原設海潮等七縣分設普平澄鎮四縣沿革建置時勢頓殊又經盜賊縱橫海山交訐兵燹所餘卷帙無幾至於戶口之登耗田土之豐歉財賦之盈縮人材之盛衰吏治之得失風俗之淳漓日月既多變更記載不勝浩蹟再攬舊本書間或有收藏版則已經漫漶字畫模糊事蹟散佚勢將文獻無徵傳聞互異卑府蒞任之初感慨攸繫而海艘始退兵事尚紛每一翻閱常為愴然乃拮据芻糗稍獲暇晷輒自延問傳人按羅斷簡意欲咨商同志勒成一書於是檄會長令師生請於士夫耆舊同其平擇僭為討論大事則書闕文亦載分部屬草起例發凡參攷久之體裁略具所有剞劂之費分應郡邑各捐緣繫修志鉅典卑府未敢擅便合行具由通詳仰祈批允以便鳩

潮州府志

卷一

批詳一

工略其固陋而少文無任瞻翹以待命為此具詳 奉督院李批

郡誌久壞且風俗戶口人材吏治類多變更茲議修復誠屬美舉仰惠潮巡道傳諭所屬各官倡率紳衿共相樂助聿觀厥成可也仍候撫院批示行繳

撫院董批

潮郡志書百有餘年據請修輯誠為盛舉如詳

行仍候

督二院批示繳

批仰候

藩司余批

三院臬司批示行繳

署臬司金批

修志鉅典文獻攸關仰候
臬司批示行繳

二院

審司批示行繳

守道蘇

巡道魏

學道顧

批仰候
院司道批示行繳

纂修郡志足徵盛舉剗之費自當合力以襄

厥成用垂不朽仍候

三院司道批示行繳

批

志書為一郡文獻急宜修輯以備叅攷仰候
院司各道詳行繳

潮州府志

卷一

批詳二

潮州府舊志序

□份

地理之書肇自禹貢至於成周又別之為圖為志各建官設屬以掌之圖以知山川形勢地之所生則大司徒職方司險之所掌也志以知語言土俗博古久遠之事則小史內史之所掌也而又有土訓誦訓之官通圖志以詔王其詳見於周官凡皆以通天下之志達上下之情使無壅遏以能一道德同風俗而致天下於大順其所繫之大如此後世郡縣雖或有志而不領於王官有司者謂非吏議所急故其為書或苟且以應故事其於治教所關是非得失興衰理亂之故可以昭法鑒示將來者反多略而不書則其去成周之意遠矣弘治丙辰余來官于潮間閱舊志而竊有病焉一日潮士盛端明進見余郡齋余以其意語之端明忻然退而重為纂輯成編以質於余請為之刪定未暇也近余以疾乞歸待報未下始得以參之舊志考正其訛謬補其闕遺為書四卷彙分為二十篇科貢職官別為潮州府志一

舊序一

年表一卷蓋其辭雖不文亦庶乎不為無益之空言云爾是用叙其大略於篇端使覽者得詳擇焉

潮州府志序

林庭堅

林子讀郭公漸齋續修潮志喟然而嘆曰予觀於志而因以知人也夫志者誌也持例發凡有類乎史可以觀世屬類比詞闡而為文可以觀學綜古今該名實覈臧否勸懲可以觀政政以紀之學以緝之世以聯之三者徹夫是之謂志其凡例有八首曰地理辨其形勝而險塞可知次曰建置時其損益而規則可考次曰田賦明其版籍而取民有矩次曰祠祀紀其秩典而無文不載次曰官師里氏備輯而治忽叅稽次曰選舉科貢並備而明制不紊次曰人物顯晦襍見而賢者有徵終曰雜志比方類記而□□□燦災祥附著而天人以判毋駕虛毋翼偽毋乖實可謂□□倫鑒之要探墳素之情者矣視諸舊乘郡縣總叙一賦其詞或寡要實而義無指緒者遠甚嗟夫郡乘古侯國之史也如郭公之志其上班良史者乎何以言之夫郭公者行以敷志執義匪撓標古而趨有其政矣政以采志訂覈驗潮州府志一

舊序二

識囂華是斥有其學矣學以摛志考規承則弗侈弗浮有其世矣一志而三善備豈徒曰郡志云乎哉等而躋之則丞相府之圖書也林子瞿然而作曰予於是知郭公之志又以知志而因以知人也志凡若干卷

潮州府志目

第一卷地書部小序

象緯解有○潮汐考有○沿革考并郡縣釋名考有

○城郭鄉有村有市集考○建置考○文武官沿革考有

○兵防考有○風俗考有○水利考有○物產考有

第二卷賦役部小序

都畧考○戶口考○田糧考○徭役考○屯政考有

○鹽政考有○雜稅考有○災祥考有

第三卷祀典部小序

廟壇祠宇附小序

第四卷官師部小序

廢置諸賢附○迸放諸奸附○貪酷諸吏附

第五卷科名部小序

荐辟諸科○進士○舉人○貢生○歷代仕宦考上下

第六卷人物部小序

潮州府志——目錄

列傳計二百四十五篇○流寓附

第七卷兵事部小序

記事計一百二十二篇

第八卷山川部小序

山水記計三十八篇

第九卷古蹟部小序

計三十九則○丘墓附○寺觀附

第十卷軼事部小序

計五十三則○仙釋附

第十一卷古今文章部小序

詩一帙計二百五十九首

第十二卷古今文章部

文三帙○上帙計四十八篇○中帙計五十一篇○
下帙計六十二篇○共一百六十一篇

潮州府志 第一卷

地書部

漂陽吳 穎纂



予志地書而先之以象緯從乎天也郭青螺先生詳哉其言之繼之以潮汐從乎海也則鄉先生陳石岡東里志備焉予蓋未敢爲臆說矣若夫郡邑之設其制因地而建其名因時而定其規模有廣陋之殊其布置有詳略之別其風氣有因革之異而莫不尊其權於旬宣嚴其防於鎮守凡爲之有司者則日惟皇皇焉以形勝爲可憑以俗尚爲可易無所擇乎其地而皆有以風厲之予故爲之論曰星次者嶺之表之所同也海汎者濱海之郡之所同也考其沿革而郡邑始居其獨矣環千有餘里之地而聚之以爲郡散之以爲邑各有其社稷人民而聚者不自擅其大而寄於小散者各務致其小以歸於大形勢如故風俗日新而有司者効其功於千有餘里之中於是乎治以漸而臻

潮州府志 卷一

一

焉斯則予首志地書之意也夫吳穎序

象緯解 載潮中雜記

予讀黃文裕公廣東通志纖悉具備而獨缺於分野毋亦以天道遠而叵測乎顧三才之故即一郡不可不備也作潮州象緯解太史公曰天有列宿地有州城三光者陰陽之精氣本在地而聖人統理之是故體國經野必先別其分星而分星以斗牛爲首日月五星起於斗宿由斗牛以紀星故曰星紀所以攷淑慝而詔脩應也潮隸東廣東廣在漢爲南越地在春秋爲百越地在禹貢爲揚州之域其次爲星紀其宿爲牽牛其辰丑自星經殘闕漫不可攷余讀明高皇帝分野書曰唐貞觀中淳風撰法象志因漢書十二次度數以州縣配焉而僧一行獨謂天下山河之象存乎兩界兩界之紀分爲南北河源自北紀之首循塞垣北東及海爲戎狄江源自南紀之首循嶺徼南東及海爲蠻越觀兩河之象與雲漢之所始終而分野可知矣潮故

南紀也其分野則始見於周禮大司徒以土宜之法辯十
有二之名物保章氏以星土辯九州之地所封域皆有
分星以觀妖祥鄭玄注云分野之占星紀為吳越又云岱
宗為十二諸侯受命之府下流得婺女為九河末流比於
星紀與吳越同占南斗牽牛星紀也吳越揚州分野南斗
在雲漢下流當淮海間為吳分牽牛去南海浸遠自豫章
迄會稽南逾嶺徼為越分是吳越星野若兼分合言之矣
後世說天者因之渺無定據范曄志星紀起斗十二度至
須女七度於辰在丑吳越之分野屬揚州焉費直星紀起
斗十度終婺女五度蔡邕星紀起斗六度終婺女二度一
行星紀起九度終婺女四度其語斗牛女為吳越之分一
也吳越之越蓋合於越南越言之也潮南越枝郡也嘗攷
南斗六星距西第三星去極一百一十九度主南夷牛
星近在河岸頭頭上兩角腹上一脚牛上三河鼓鼓上
星號曰織女古雅云河鼓謂之牽牛宋中興天文志云

名婺女左傳昭公十年有星出於婺女杜預注婺女為
織之女織女為處女也史記天官書亦云南斗為廟牽牛
為犧牲其北河鼓河鼓大星上將左右左右將婺女爾雅
釋須女謂之婺女由此觀之則斗牛女之辰次彰彰矣而
其為吳越之分星若聯絡而不可分者乃春秋元命苞曰
牽牛流為揚州分為越班志吳斗分野越牽牛婺女分野
宋天市垣東蕃十一星南二曰南海六曰吳越則又岐星
紀為二而其分野又自有別者以事變之應驗之漢孝景
元年正月癸酉金水合於婺女婺女粵也又為齊二年七
月丙子火與水晨出東方因守斗十二月水火合於斗斗
吳也又為粵故三年七國反遣大將軍周亞夫討平之吳
王亡走粵粵攻而殺之元鼎中熒惑守南斗南斗越分也
其後越相呂嘉殺其王及太后漢兵誅南越梁大通六年
夏四月丁卯熒惑在南斗其十二月蘭欽帥兵破魏將取
北梁州而嶺南賊起大同五年冬十月辛丑彗出南斗其

後李賁稱帝於交州發吳越兵討之蓋斗牛女越分野丑次也故其兵應大曆如此星紀之在吳越似又不可分矣按夾際鄭氏謂牛女在東南鄱陽馬氏謂牛女屬揚州揚州雖可言東南而牛女在天則北方宿也漢天文志日有中道南至牽牛去北極遠冬至至於牽牛遠極故晷長立八尺之表而晷景長丈三尺一寸四分星傳日月南入牽牛南戒民間疾疫杜老詩亦云牽牛出河西織女處其東是言牛女者或指東南或云西北然要之星紀在北而光燭於南其以吳越當之者從星紀之所燭與一行所論星紀分野自廬江九江負淮水之南盡臨淮廣陵至於東海又逾南河得漢丹陽會稽豫章西濱彭蠡南涉越州盡蒼梧南海古百粵之國而以星之與土精氣相屬不係於方隅由此言之則越之分野其著於前聞者顯不可執已明一統志及分野書閩越諸郡俱牛女分野歟惠州專屬湏女而潮州專屬牽牛豈星紀之次本有定分而潮惠所應

潮州府志

卷一

三

又有不可混而無別者與古之辰次與節氣相係各據當時曆數與歲差遷徙不同而臺曆司察其分主而以潮州屬牽牛與或舊志牛女之分其說然與嗟夫楊州分野董天下之半而潮州不足以當其百一區區星紀之說芒芴不可質度潮嘉隆之間亂欲矣是誰星為之而說者咎之不良有司所致則官邪亂民星曷與焉如曰某星屬某州待其變臨於上而後脩省於下有如宿離不忒無失經紀此又可肆而亡忌乎傳曰君子有令圖天所贊也

吳穎曰星次有定位史家天官書亦大槩之辭也然天道變於上斯徵應有不爽矣與有斯世之責敢弗恪肅推原所自是固君子乾乾之道之所存也讀郭青螺先生象緯解而懔然有省焉

潮汐考載東里志

陳天資

東里之地自東南迤邐西北皆距大海大港灣港潮汐出入之門也說文云朝至曰潮汐至曰汐賓叔蒙云海鰲出

八之度浮屠書云神龍變化海嶠志以為水隨月之盈虧
王充論衡以為水者地之血脉隨氣進退臨安志以為海
水盈而為潮縮而為汐晝夜消長不失其期故謂之潮信
高麗圖經云天包水水承地而一元之氣升降於太虛之
中氣升地沉則水溢而為潮氣降地浮則水縮而為汐抱
朴子云天河從北極分為二條至於南極其一經南斗中
過其一經東斗中過兩河隨天轉八地下遇兩水相得又
與海水合三水相蕩而天轉之故激湧而成潮水廬肇海
潮賦云日附於天天右旋入海而日隨之水因其灼激而
退退於彼必盈於此日激水而潮生月離水而潮大地浮
於水天在水外日入則晚潮激於左日出則早潮激於右
邵子曰海潮者地之喘息乎所以應月者從其類也海潮
圖序云潮之進退海非增減蓋月之所在則水往從之故
月臨卯酉則潮漲乎東西月臨子午則潮平乎南北彼竭
此盈往來不絕皆係於月瓊南則以長短星值日為消長

潮州府志

卷一

四

凡此數說其指不同然遠者無徵近者謬陋惟邵子之言
最約而中蓋天地之氣升沉摩盪無滯輿之停水也乃其
氣之流行而可見者然江河津液之水也大海則胸腹之
水也故潮之有消有長猶人之有呼有吸乃其自然之理
至於潮之必應月者則又以為太陰之精不得不然者也
余襄公圖序之言實與邵相表裏蓋邵言其理而余則直
指其事耳所謂月臨卯酉則水漲乎東西者言月在卯酉
之方則水縮極而復生也諺云月上水長又曰月落海轉
正此說也所謂月臨子午則潮平乎南北者言月在子午
之位則潮長極而將退也諺云月盡水縮是也潮之消長
三辰而盈三辰而縮一晝一夜而消長凡再然積二日而
必差一辰則應月之驗耳何也日行一晝夜運旋三百六
十五度而天一周月之行也一晝夜不及日十二度有奇
以晝夜百刻計之一刻該得三度六分半潮信應月故一
消一長得六時二刻有奇一晝夜再消長共得十二時四

而生長海濱占候所及海報海汎亦猶夫田家之五行也茲不具載載東里志潮汐考焉

沿革考載潮中雜記

郭子章

予讀三陽志其所叙沿革頗有據而惜其不詳於周秦之間予族大父春震嘉靖志又略於宋元之際黃文裕圖經是時平普諸縣□邑也予並採而芟潤之作沿革考潮州府禹貢揚州之域春秋時為楊越輿地考吳兼楚及南越之交潮陽屬□□記秦始皇三十三年略定楊越置南海郡潮為郡東□□淵廣州記云秦守五嶺其一揭陽即府治秦末趙佗據郡屬佗史記南海尉任囂病且死召龍川令趙佗屬以尉事佗乃聚兵守五嶺擊并桂林象郡自稱南越武王漢高帝因佗平南粵使陸賈奉印璽以南越王之初高帝乃以長沙豫章桂陽南海立番君為長沙王若南海於長沙為郡則揭陽亦長沙屬矣攷當時之意豈亦遙以南海為番君封哉高后稱制佗不內貢職文帝元年

潮州府志

卷一

六

使陸賈諭旨佗稱臣自漢興皆屬南越武帝元鼎元年南越反東越王餘善請以卒八千人從樓船將軍擊呂嘉等兵至揭陽以海風波為解不行揭陽即今治也五年秋吏南尉路博德為伏波將軍都尉楊僕為樓船將軍會番禺六年冬敗越復南海郡揭陽令史定聞漢兵至自降新室改為南海亭東漢又名揭陽城晉咸和中分南海立東官郡隸於東官義熙五年分東官立潮為義安郡屬縣五海陽經安海寧潮陽義昭宋齊因之梁兼置東陽州後改曰瀛州又陳罷州隋平陳改置潮州煬帝大業三年罷州復為義安郡唐武德間改郡復為潮州天寶元年為潮陽郡乾元元年復為州凡五易然後州名定自陳隋間南海為一都會唐初置十五部隸江南道開元二十一年置福建經略使以州隸之明年復隸嶺南天寶元年又隸福建越九年又隸嶺南馬柳宗元作愚溪對元和間也時州已屬南寧溪粵所有也宗元乃曰間有小曰惡溪杜佑作通